

景定建康志卷之四十二



承直郎宜差充江南東路安撫使司幹辦公事周應合修纂

風土志一

江左人物金陵為盛蓋土地所生風氣所宜也既作古今人表及先賢傳更書民風以志其習書民數以志其聚書第宅以志其安書丘塚以志其藏書物產以志其阜書妖祥以志其異作風土志

當塗江陵九江皆有風土志

風俗

隋志曰丹陽舊京所在人物繁盛小人率多商販君

大正四年

建康志卷四十二

子資於官祿市廛列肆均於二京人雜五方俗頗相

杜佑通典曰永嘉之後衣冠違難多所萃止藝文儒

術斯之為盛今雖閭閻賤隸處力役之際吟詠不輟

蓋因顏謝徐庾之風焉

沈立金陵記云其人士習王謝之遺風以文章取功名者甚眾

祥符圖經曰君子勤禮而恭謹小人盡力而耕殖性

好文學音辭清舉

顏介曰南方水土柔和其音清舉而切天下之能言

唯金陵與洛下

揚萬里曰金陵六朝之故國也有孫仲謀宋武之遺烈故其俗毅且英有王茂宏謝安石之餘風故其士清以邁有鍾山石城之形勝長江秦淮之天險故地

大而才傑

時楊公為江東轉運副使

游九言曰每愛金陵土風質厚尚氣前年攝行倅事日受訴牒不過百餘較劇郡纔十一爾為吏為兵者頗知自愛少健狡之風工商負販亦罕聞巧偽游為撫幹句容縣在江南卑溼之地火耕水耨民食魚稻以漁

六百九十六

建康志卷四十二

二

獵山伐為業果蓏蠃蛤食物常足故嘗窳媮生亾千

金之家

縣志

溧水縣有山林川澤之饒民勤稼穡魚稻果茹隨給粗足雖無千金之家亦罕凍餒之民信巫鬼重淫祀畏法奉公各守其分安業重遷尤好文學承平時儒風藹然為五邑冠

縣志

溧陽縣介江淞之間其君子篤厚恭謹恬靜自得藝文儒術藹然相尚其細民務本力農淳朴質直類知畏法名儒勝士多因避地來寓溧上往往樂其風土

而定居焉宗丞王端朝曰是邑有李太白之英風故
其人多秀而文有伍子胥之故迹故其俗多義而勇

民數

主戶 一十萬三千五百四十五口 **二** 十二萬一千七百五十五

客戶 一萬四千二百四十二口 **二** 二萬六千四百四十一
隸上元縣者

主戶 一萬一千二百八十口 **一** 萬五千七百八十五
客戶 七千四百六十六口 **一** 八千七百五十七

隸江寧縣者

主戶 一萬一千三百五十四口 **一** 萬六千四百八十五
客戶 二千二百五十七口 **二** 千四十七

隸句容縣者

主戶 二萬二千三百七十口 **一** 五萬一百三十
客戶 三千九百九十六口 **一** 七千二百一十三

按乾道舊志句容主戶二萬五千八百九十七主
丁口六萬七千五十客戶二千四百九十六客丁
口五千七百六十六較之今數主戶減二千五百

二十七客戶增一千五百

隸溧水縣者

主戶二萬二千五百二口 **四**四萬四千八百六十六

客戶二千二百五十九口 **四**八千二百五十九

隸溧陽縣者

戶六萬三千九百八十三口 **四**一十三萬七百五皆主

戶也

按乾道舊志溧陽主戶三萬一千二百一十二口

六萬八千九百三十一客戶無較之今數主戶增

大二百七十

建康志卷四十二

四

三萬二千七百七十一口增六萬一千七百七十四

災祥

周顯王三十六年楚熊商見地有王氣○秦始皇三

十七年望氣者言五百年後金陵有天子氣○吳太

祖元年夏五月甘露降于建業黃武四年七月地連

震赤烏十三年八月丹陽句容諸山崩洪水溢太元

元年風拔樹三千株石碑磔動城門瓦飛落永安元

年十一月甲午有風四轉五復蒙霧連日三年赤烏

見四年白龍見五年白虎門北樓災七月黃龍見六

年十月癸未石頭小城西南災甘露元年甘露降蔣陵建衡三年十一月鳳凰集西苑天紀三年建業有鬼日草生工人黃狗家○晉元帝渡江時望蔣山有紫氣時時晨見永和三年夏四月地震五年十一月甘露降崇平陵元宮前殿七年七月濤水入石頭溺死者數百人九年秋七月丁酉地震有聲如雷十一年夏四月隕霜地震升平二年冬十一月地震寧康三年十二月甲申神虎門災太元元年夏五月癸丑地震二年閏三月壬午地震暴風折木發屋揚砂石

六二〇五八

建康志卷四十二

五

十一年二月壬子暴風發屋折木冬十二月戊子濤水入石頭毀大航殺人乙未大風晝晦延賢堂災十五年三月己酉朔地震東北有聲如雷八月己丑地震十七年夏六月癸卯地震甲寅濤水入石頭毀大航十八年正月癸卯朔地震二月乙未又地震隆安二年九月地震元興三年庚寅夜濤入石頭漂毀大航殺人其聲動天○宋元嘉五年正月庚午朔大風大水六月庚午都下大水十二年四月丙辰夜地震十四年鳳凰見改其地爲鳳凰里十七年十一月乙

酉朔甘露降于樂遊苑二十年六月秣陵縣白雀見
二十一年七月甘露降于樂遊苑二十三年六月甘
露降于長寧陵二十四年三月甘露降景陽山二十
五年四月丁丑青龍見于元武湖南五月戊戌黑龍
見元武湖二十九年十二月戊申黃霧四塞孝建元
年十一月甲申甘露降長寧陵大明元年五月壬子
紫氣出景陽樓狀如煙迴薄久之二年夏四月辛丑
地震六年二月戊午甘露降于京師秋七月甲申地
震有聲如雷七年四月大風折和寧陵華表秦始皇四

年正月丙辰朔雨草于宮秦豫元年正月丁巳巨人
跡見西池冰上○齊建元元年二月地震建陽門永
明元年望氣者言新林婁湖有王氣帝乃築青谿舊
宮作新婁湖苑以厭之十年都下大水○梁天監元
年正月乙酉甘露降于茅山彌漫數里三年戊辰重
雲殿東鴟吻有紫煙出屬天六年八月戊戌大風折
木京師大水濤入御道七尺十年九月丙申天西北
隆隆有聲赤氣下至地中大通五年地震大同元年
十月黃塵如雪二年十一月都下地生白毛長二尺

九年正月丙申地震生毛四月丙戌同泰寺浮圖災
太平元年九月龍見於御路自太社至于象魏○陳
天嘉四年六月丁未夜白虹兩道出北斗間重雲殿
災六年七月癸未大風自西南至纔廣百餘步激壞
雲臺候館太建七年九月甘露三降樂遊苑八年正
月庚辰西南紫雲見九年七月大風雨震萬安陵華
表癸亥震瓦官寺重門一女子死十年六月大雨震
大皇寺剎莊嚴寺露盤重陽閣東樓千秋門槐樹鴻
臚寺府門十二年六月大風壞臯門中闕九月天東

大三百五十九

建康志卷四十二

七

南有聲如風水相激三夜乃止十三年九月癸亥夜
大風從西南來發屋拔樹大雨雹十四年四月建康
江水色赤如血八月丁酉天赤如火九月辛亥夜天
東北有聲如蟲飛漸移西北至德元年九月丁巳天
東南有聲如蟲飛十二月戊午夜天開自西北至東
南其內青黃雜色隆隆若雷聲禎明元年正月乙卯
地震二年夏四月羣鼠無數自蔡洲岸入石頭緣淮
至于青塘兩岸數日自死五月甲午東冶鑄鐵有物
赤如火大數升自天墜鎔所隆隆有聲如雷鑄鐵飛

出墻外燒人家丁巳大風自西北激濤水入石頭城
秦淮暴溢漂沒船舫又船下有聲云明年亂視之得
嬰兒三尺無頭又蔣山衆鳥鼓翼拊膺曰柰何帝柰
何帝又府城無故自壞青龍出建陽門井中湧赤霧
地生白黑毛大風拔朱雀門○五代僞吳天祚元年
二月甲申金陵大火乙酉又大火太和中徐知誥典
金陵鍾山之陽積飛蝗尺餘厚有數十僧白晝聚首
啗之盡昇元六年十一月丁丑溧水縣天興寺桑樹
生木人廣順二年建康災焚廬舍營署踰月乃止

大
二
〇
一

建康志卷四十二

八

第宅

張昭宅

在淮水南對瓦棺寺張侯橋所橋因宅而名

考證

丹陽記大長干寺西有張子布宅○本傳

昭仕吳言不用杜門稱疾帝恨之以土塞其門
復以火燒之諸子扶昭起朝

諸葛恪宅

在縣東二里古元風觀前南接青谿里其

東卽江令宅也

是儀宅

在西明門臺城之西

考證

吳志是儀爲人儉讓不治產業又愛施惠

宅在西明門甚卑陋雖處尊官弊衣單食帝聞之幸其宅求視蔬飯親嘗之對而歎息有所增加皆辭而不受○一日儀鄰家起大屋孫權出望見左右對以是儀家權曰儀儉必非問果他家其見信如此

崇禮鄉土山

在上元縣東二十五里崇禮鄉土山之下

父老傳云吳駱監軍宅也

舊志

新陽亭

吳志駱統字公緒封新陽亭侯嘗爲濡須

督此宅疑所居也今基址猶存

大河卷九十二

建康志卷四十二

九

陸機宅

在秦淮側又金陵故事臨秦淮有二陸讀書

堂其跡猶在

考證

陸機入洛作懷舊居賦云望東城之紆餘

邈吾廬之延佇○李太白題王處士水亭云齊朝南苑是陸機宅故有北堂見明月更憶陸平原之句

烏衣巷

在烏衣巷中南臨驃騎航

舊志

考證

晉記江左初立琅琊諸王居烏衣巷王敦

謀逆導憂覆族使郭璞筮之卦成歎曰吉無不

利淮水竭王氏滅子孫繁衍○世說王導曰庾元規若來吾角巾還烏衣南

謝安宅在烏衣巷驃騎航之側乃秦淮南岸謝萬居之北舊志

考證桓溫得志欲以謝安宅爲營謝鯤曰邵伯之仁猶惠及甘棠文靜之德更不保五畝之宅邪溫聞慙而止○蔡宗旦金陵賦云前予立乎淮渚思驃騎之古航慕文靜其既遠宅五畝其已荒念憇芟猶勿翦歌詩人之甘棠

大正廿九年十一月

建康志卷四十二

十

謝尚宅在城東南一里二百步永和四年捨宅造寺名莊嚴

謝萬宅在長樂橋東傍丹陽郡城今桐林灣東

紀瞻宅在烏衣巷

考證晉書瞻厚自奉養立宅烏衣巷館宇崇麗園池竹木有足玩焉

邨鑿宅在青谿上

杜姥宅在舊縣東北三里舊縣在冶城今天慶觀之東是也舊志

考證杜姥宅輿地志云在端門外直蘭臺路東
○晉成帝恭皇后杜氏母裴氏卽杜宏冶之妻
名穆孝武帝封爲廣德縣君初穆渡江宅於南
掖門外時已壽考故呼爲杜姥○宋元徽二年
桂陽王舉兵杜黑驪進至杜姥宅陳顯達出杜
姥宅大戰於宣陽門破之

吳隱之宅在城東南五里

考證隱之爲廣州刺史官罷竝無還資籬垣仄
陋妻子寒露內外茆屋六間女嫁謝安移廚助

大何

建康志卷四十二

十一

之使人至日高蕭然乃令其婢牽一犬入市賣
之其清操如此

舊志云在縣南三里古大社西有凶地三畝
晉周顛司馬秀蘇峻皆宅于此悉以禍敗宋王僧綽
曰大丈夫當以正道自居何宅之有凶吉尋爲元凶
所害楊修有詩曰四主衣冠令不終高門列戟謾重
重由來瘠沃分勞逸莫道人凶非宅凶

宋檀道濟宅在青谿 舊志

考證異苑云檀道濟居青谿此宅先是吳將步

闡所居諺云揚州青是鬼營青谿青楊是也自步及檀皆被誅

青楊巷名

何尙之宅在南澗寺側

考證袁淑與尙之書云丈人徽明未耗舉業方

隆儻能屈事康道降節徇務含南瀕之採菽此行決矣尙之宅在南澗寺側故書云南瀕詩所謂于以采蘋南澗之濱也南澗今城南落馬澗是也

沈慶之宅在城東南十里

大正十八年十月

《建康志卷四十二

《十三

考證南史沈慶之傳居清明門外有宅四所室

宇甚麗又有園在婁湖慶之一夕攜子孫徙居之以宅還官悉移親戚中表於婁湖同開迨前廢帝立加几杖給三望車慶之每朝賀常乘猪鼻無幟車左右從者不三五騎履行田園每農務劇月無人從行遇者不知其三公也柳元景造之鳴笳列卒滿道慶之插杖而耘嘗侍宴賦詩云老朽筋力盡徒步還南崗

謝幾卿宅在今府城東南十八里 舊志

考證 宋謝幾卿坐免官居白楊之石井朝中交好者載酒從容常滿坐

建平王劉宏第 在雞籠山 舊志

考證 宋書云建平宣簡王少而閑素篤好文籍太祖寵愛殊常立第於雞籠山盡山水之美

齊武帝舊宅 在青谿今城東一里臨秦淮是其地 舊志

考證 齊書云武帝諱賾字宣遠太祖長子也小字龍兒生於建康青谿宅其夜陳孝后劉昭后同夢龍據屋上故字焉○永明二年帝幸青谿

大正十
十九 **建康志卷四十二** **三**

舊宅

蕭子良宅 在鍾山之西 舊志

考證 竟陵王子良行宅詩曰訪宅北山阿卜居西野外幼嘗悅禽魚卑性羨蓬蒼

劉子珪宅 在今城東二十五里青龍山之前 舊志

考證 南史齊劉瓛居于檀橋瓦屋數間上皆穿漏永平七年竟陵王子良表武帝為立館帝以檀橋地給之

梁武帝宅 今府城東南七里光宅寺基是 舊志

考證 梁高祖於宋大明八年甲辰生于秣陵縣同夏里三橋宅

沈約宅 在鍾山之下名東田 舊志

考證 南史梁沈約遷尚書令雖名位隆重而居處儉素立宅東田矚望郊阜嘗為郊居賦以敘其事又嘗賦東園詩有槿籬疎復密荆扉新且故之句○雞跖集云宅成劉杳贊之約報云惠以二贊詞采妍富便覺此地十倍

朱异宅 在今府城東北 舊志

大正四十一
十七

建康志卷四十二

西

考證 南史梁朱异及諸子自潮溝列宅至青谿其中有臺池玩好每暇日與賓客遊焉

范雲宅 在今府城東南七里 舊志

考證 陳軒金陵集載何遜行經范將軍三橋故宅詩云旅葵應萋井荒藤已上扉寂寂空郊野無復車馬歸

江總宅 在青谿大橋北與孫瑒宅對 舊志

考證 總仕陳為尚書令故亦稱江令宅○寶錄云江令宅在青谿中橋傍湘宮寺巷對桃花園

路北後主嘗幸其宅呼狎客○楊修詩注云南朝鼎族多夾青谿江令宅尤占勝地○隋初總還宅詩云悒然想泉石驅駕出臺城翫竹春前筍驚花雪後春記室新書云江總之泉石依然謂此也○劉禹錫詩云南朝詞臣北朝客歸來惟見秦淮碧池臺竹木三畝餘至今人道江家宅○本朝爲段縫約之宅青谿閣亦其地也故荆公詩云昔時江令宅今日段侯家

孫瑒宅在青谿東其西卽江總宅

舊志

大正四十三
十一

建康志卷四十二

五

考證實錄陳起部尙書孫瑒居處奢豪家庭穿築極林泉之致歌童舞女當世罕儔

伏曼容宅在今府治西南三里

考證曼容居瓦棺寺東施高座於聽事有賓客輒升高座爲講說生徒常數百人

伏挺宅在今府城北潮溝

考證挺於宅講論語聽者傾朝

唐柳郎中故居在茅山

考證權德輿作柳郎中茅山故居詩云下馬荒

堦日欲曛潺湲石溜靜中間鳥哢花落人聲絕
寂寞山窗掩白雲今不詳其處

孫晟宅在鳳臺山西

考證鄭文寶南唐遺事云孫晟爲尙書郎賜宅
一區在鳳臺山西崗壠之間徙居之日羣公萃
止韓熙載見其門巷卑陋謂孫曰湫隘若此豈
稱爲相第邪舉坐莫喻其旨明年孫拜御史大
夫百日之間果登台席

徐鉉宅舊在攝山棲霞寺西今日陶莊者是也園池

大正乙巳

建康志卷四十二

六

甚盛

考證裴迪留題徐氏來賢亭云常侍江東第一
流子孫今不泯先猷結亭意在來賢者誰慕清
風爲駐留王荆公題徐秀才園亭詩云茂林修
竹翠紛紛正得山阿與水濱笑傲一生雖有樂
有司還欲選方間二詩刻石今在棲霞市酒坊

王荆公宅今半山寺是 舊志

考證公再罷政以使相判金陵到任卽納節固
辭同平章事懇請賜允改左僕射未幾又求宮

觀累表得會靈觀使築第於白下門外去城七里去蔣山亦七里平日乘一驢從數僮游諸寺欲入城則乘小舫泛潮溝以行蓋未嘗乘馬與肩輿也所居之地四無人家其宅僅蔽風雨又不設垣牆望之若逆旅之舍有勸築垣輒不荅元豐之末公被疾奏捨此宅爲寺有旨賜名報寧旣而疾愈僦城中屋以居不復造宅父老曰今江寧縣治後廢惠民藥局其地卽公城中所僦之宅也

大正九十二
九

建康志卷四十二

七

蔡寬夫宅在今貢院

考證

南窗紀談云蔡寬夫侍郎治第于金陵青

谿之南穴地爲池數尺之下見有瓦礫及朱髹七筯數十蔡驚異命工愈掘之又深尺餘有釜鑊瓦錫之器甚多皆破碎交錯仆壓于下竈下葦灰猶存又窮其傍大抵皆人居也然後知其下前代爲平地經六朝喪亂瓦礫糞壤積而至此高岸爲谷深谷爲陵豈不信哉今貢院基是

湖陰先生居今不詳其所

考證王直方詩話云楊德逢號湖陰先生丹陽陳輔浙西佳士也每歲清明過金陵上冢事畢則至蔣山過湖陰先生之居清談終日歲率以爲常元豐辛酉癸亥頻歲訪之不遇題一絕於門云北山松粉未飄花白下風輕麥腳斜身似舊時王謝燕一年一度到君家湖陰歸見其詩吟賞久之曾稱於舒王聞之輒笑曰此正戲君爲尋常百姓耳湖陰亦大笑

土貢

唐歲貢筆及甘棠梨

皇朝歲貢羅二十疋

物產

穀之品

稻粳來牟

餅餌皆勝它郡

菽麻粟

帛之品

俗勤蠶桑帛冠它郡

羅絹紗花絹花紗四緊紗

溧陽夏最多

紡絲冬紡絲綿

金之品

金山

句曲

銅鐵

赤山

銅器

句容

藥之品

玉屑

淮南子云出鍾山

石鍾乳

本草云茅山土石相雜徧生茅草以茅津

大子廿八

建康志卷四十二

九

相滋乳色稍黑而滑潤

禹餘糧

本草云茅山甚有好者狀如牛黃重重甲

謂之茅山乳性微寒

勿令有沙土也

黃精草錯其佳處乃紫色泯泯如麵齧之無礮然用

之宜細研以水泔取汁澄之

勿令有沙土也

黃精草云葉大根麓黃白生人稜阮孝緒因母疾用藥須得

色至夏有花實

生人稜

阮孝緒因母疾用藥須得

緒躬歷幽險累日不見就求之

一日鹿

鹿黎木草云江寧

前行至一所遂不見就求之

一日鹿

鹿黎木草云江寧

黎名鹿黎葉如茶根如小

指彼處人

木陶隱居云

取其皮治瘡癰及疥癩云甚效

八月採

木陶隱居云

為勝者卷柏出卷柏石腦

陶隱居云今出白而大

乾地黃陶隱居云板柴胡

麥門冬茵陳王不留行前胡敗醬石韋拔藜地榆京

三稜甘遂牙子天南星鬼白僊茅連翹紫葛桑上寄

地蜈蚣葶麻茵陳蒿

按本草以上出江寧

桔梗兔絲子香附

子罌粟荆芥蒼朮元參百合百部白斂白及地黃地

榆貫眾芫花半夏天門冬天仙藤威靈仙劉寄奴何

首烏夏枯草穀精草

按本草出溧陽縣

芝草菖蒲南燭山桃

按本草

出句曲山覆盆子吳茱萸

按本草出溧陽縣

谿蓀草側柏

出

山句曲

芝草

龍仙芝參成芝燕胎芝夜光洞草芝菘玉芝熒火芝夜光芝琅葛芝出茅山

香之品黃連香

出山

果之品來禽大杏海紅金錠梅紅桃綠李相公李

出山

秦公梨櫻桃繡蓮藕芡實菱實蒲萄海門柿石榴香

大二十廿二

建康志卷四十二

二十

查西瓜甜瓜梧桐子地栗橘橙乳柑竹蔗荻蔗

出府境

福鄉柰

出山

菜之品萵筍大葱蘿蔔

水

冬瓜筍茭白芹萋蒿防風

菜甘露子

禽之品鳧鶉鳩

魚之品鱒魚鱸魚邵魚

狀如鳶

蟹河鮑石首鱗魚鰯魚

鮑魚金魚銀魚比目魚鱗魚

獸之品獐鹿

景定建康志卷之四十二